

陰蔽上於禁反下必袂 凶弊反下也 陰蓋上音
 警揚上聲 詔受上音 療治上音 懈怠上音
 行上音 喘息上音 熊羆上音 鼈上音 鼉上音
字二 筮上音 篋上音

度世品經卷第二

返二

西晉三藏法師竺法護初譯

普智菩薩復問普賢何謂建立何謂樂信何
 謂深入何謂依怙何謂意勇何謂斷諸疑何
 謂無思議何謂解脫真諦何謂了報應何謂
 定意何謂何所有何謂脫門何謂神通何謂
 通達何謂解脫何謂園圓何謂宮殿何謂遊
 觀何謂莊嚴何謂心不動何謂性無所捨何
 謂觀慧何謂講法何謂淨願何謂為印何謂
 慧光何謂行無色何謂無法心何謂心如山
 何謂如海
 普賢曰善哉快問菩薩建立有十事何謂為

十常志於佛恒思經法勸化衆生使住佛道
 勤安事業修立正行順樂誓願常念威儀所
 遊隨時班宣善本建立慧義是為十事建立
 其心於時頌曰
 一心常念佛 專精思經典 勤衆生入道
 示以所造業 讚助修正行 恒使不失願
 威儀禮節備 善本成聖慧
 菩薩樂信有十事何謂為十菩薩心自發念
 其有當來如來正真出現於世我當悉見見
 諸佛已供養奉事志於無上稽首自歸此諸
 正覺當訓誨我以是訓誨歸菩薩地如諸菩
 薩奉教敬心心懷恭恪如所聞者輒當修行
 於是菩薩復自念言使吾不離諸佛世尊及
 諸開士蠲除生死馳遠之難無央數劫脩菩
 薩行又心念言昔未發無上道意之時未為
 法器畏其深義亦畏世間誅謗惡名又懼畏
 生死惡道衆會我以離此永不與合以遠在
 事所生之處不離道心不恐不畏亦不懷懼

求無諸難常遠塵垢永滅穢濁出入獨步降
伏衆魔消諸外道又心念言吾當勸化諸衆
生界使隨律教志在無上正真道意修菩薩
行得成佛時則隨尊聖微妙道教吾當稽首
奉敬自歸欣悅無量盡其壽命佛滅度後當
為興立無數廟寺供事舍利奉宣佛教分布

經典使無上義永得長存又心念言吾當莊
嚴無極世界皆令佛土清和柔軟種種別異
平等清淨吾當感動無數佛土悉使發意演
大光明照於十方神足變化靡不周遍又心
念言吾成佛已當決衆生一切狐疑化其志
性令常情和寂靜其志消滅塵欲塞諸惡戶

返二

二

闡永安門除去幽冥奮巨光耀棄捐魔業逮
無上吉以是功勳普示衆生又心念言吾所
在處常見諸佛在危厄時思欲奉觀必當如
願得見正覺莫使違遠面見如來所說法時
如來難值無央數劫時一出耳猶靈瑞華久
久希有發清淨心棄捐一切不冝之計其意

質直而無諛諂又心念言吾成無上正真之
道為最正覺遍諸佛土施作佛事為諸衆生
各現佛身擊大法鼓雨法甘露施無極法清
淨無畏為師子吼立無底願住於法界班宣
經道一劫不休身不疲懈言辭無極心亦不
倦是為十事心所建立於時頌曰

嚴淨諸佛土 勸導於衆生 示以深妙法
令發無上道 常願見諸佛 奉事自歸命
聽受所說法 一心受奉行 為斷三惡趣
開闡安樂門 為於衆幽冥 顯示大光明
流布經法施 消滅諸垢塵 為大師子吼
而兩大甘露

菩薩有十事法深入何謂為十皆入世界諸
過去事遊於志性深奧佛法歸諸淨土當來
之事在在佛國而在諸數正覺無二雖在諸
國現在寂然世間方俗所言所說嚴淨境土
悉能知之是入深法所在天下有若干教又
能解識一切衆生罪福不同計諸菩薩所行

選二

三

各異又菩薩解悉知過去諸如來處菩薩悉
 知諸佛世尊所教遲疾菩薩復知現在國土
 諸佛正覺眷屬聖眾所可說法開化眾生法
 界虛空無有邊際十方如來又分別知世俗
 之法聲聞之法及緣覺乘菩薩如來入在此
 法無所希求講說若干所入法界亦無所入
 亦不想法隨諸法教而以開化是為十事深
 入佛法於時頌曰

知於過去世 當來及現在 隨方俗示現
 清淨佛世界 分別人罪福 計菩薩所行
 現在諸佛土 諸菩薩集會 知眾生之數
 說法虛空限 悉達諸聲聞 緣覺眾菩薩

菩薩依怙有十事以是依怙修菩薩行何謂
 為十常奉敬佛日有歸命開化眾生見諸善
 友而依附之常喜積聚眾德之本亦皆嚴淨
 諸佛刹土常愍一切不捨眾生普以遊入諸
 度無極悉欲具足諸菩薩願所修無量來歸
 道心明解諸佛成至正覺是為十事菩薩所

依怙以成道行於時頌曰

奉敬於諸佛 依附菩薩行 開化眾生類
 恭順諸善友 積累眾德本 嚴淨諸佛土
 入諸度無極 具足菩薩願

菩薩意勇有十事何謂為十消除一切諸陰
 蓋罪諸佛世尊雖以滅度奉垂訓教以勇猛
 心降伏眾魔解知無常不惜身命以正法緣
 消化外道以柔和心悅可眾生懷踊躍意眾
 會見之莫不欣然調化一切天龍鬼神捷杳
 和阿須倫迦留羅甄陀羅摩曠勒皆受其緣
 奉修柔順依法深奧常捨聲聞緣覺之地於
 無數劫行菩薩事而不懈倦是為十事菩薩

心勇於是頌曰

棄捐諸陰蓋 佛逝奉垂教 降伏於眾魔
 不自惜身命 降化眾外道 歡悅於眾生
 鬼神咸受教 常奉菩薩行

菩薩有十事斷諸狐疑令無沉吟何謂為十
 菩薩發意心自念言吾當以施戒忍辱精進

返一

四

一心智慧救攝衆生慈悲喜護而開導之雖行於此無有猶豫欲令進退未之有也又心念言吾當普見十方正覺當來諸佛值無上慧供養諸佛心不沉吟若於毛釐又菩薩念以若干光具足照耀於諸佛土聞諸菩薩當來所行無央數劫心不厭倦開化無量衆生之類不以爲難計於法界不可限量無有涯際猶如虛空所度衆生其數亦然不以厭退又心念言修菩薩行備悉諸願成一切智諸通之慧又復念言行菩薩時令我皆逮道法之光佛無極明常常計樂一切諸法悉爲佛法普知衆生意之所念曉了無數諸無盡數諸無爲法及諸有爲成平等覺明達諸法皆諸度世除倒見想雖有穢濁本悉清淨菩薩曉了一切佛法成最正覺無有衆想倒見之謬一無所著漏雖有爲達於無爲棄諸利養則能遊入無央數際是爲十事菩薩斷諸狐疑於時頌曰

念施成忍進 一心修智慧 行慈悲喜護
見諸佛奉敬 先具足照耀 無量當來劫
心不以懈倦 成佛一切智 諸法悉佛法
皆亦度世法 棄穢濁倒見 得佛最正覺
菩薩無思議有十事何謂爲十所修德本不
可思議一切所願不可計量觀察諸法悉如

幻化因發道心依諸善業無所違失修菩薩行求無妄想修深要義普入諸法不取滅度道慧不備終不捨去菩薩行道入胎出生積勤苦行詣佛樹下降伏衆魔速最正覺而轉法輪現取滅度顯諸佛事建立所現不捨大哀護諸衆生不違本願又其菩薩建立示現如來十力從初發意在於法界開化衆生未曾休廢又其菩薩皆以無想入於衆想又以有想入於無想無所思念說諸念事又以諸念說無念事以無所有入於所有又諸所有入無所有化無所作入有所作化有所作入無所作於無所得說有所得於有所得說無

所得解知諸法悉無所有又其菩薩等心於道道以平等解知衆生道心無異心不倒見所念無失不隨邪疑所觀平等又其菩薩發意之頃其心寂然定意正受在於本際而不造謬以無有漏而不永滅布諸德本曉了諸法一切無漏而爲人說諸漏已盡亦爲人宣當除諸漏則以佛法入於俗法維在其中無俗思想無道俗念觀一切法皆入法身亦無所入曉了諸法而無有二亦無所行是爲菩薩十無思議菩薩住此疾遠無上正真之道菩薩有十事解說真諦何謂爲十演一切佛法隨時真誠棄捨惡法不失其節以諸菩薩神足變化宣正覺教能以隨便入於衆生罪福之業宣暢衆生除去一切塵勞罪事皆以能達衆生之義無爲法門消諸罣礙修閑靜業又其菩薩悉無所住猶如虛空一一所入不得禁戒天地成敗無有猶豫在諸世界而不沉吟而於諸法境無所蔽礙所由方面益

以微妙達如來至真至生出家竟於滅度又入法界菩薩諸佛普見諸佛舉動進止菩薩悉見衆生之類處於泥洹無所造故願不墮落會當備悉諸通慧智又有菩薩見一切法無所依怙不遠善友所當近者亦不附著如來精進不懈休法禮儀一等親友怨惡積累六德本勸助合集皆使同一讚揚成就令無有六二是爲菩薩十事說常隨時菩薩分別慧便有十事何謂爲十曉了一切諸佛之國解入衆生本源衰盛識別群黎心行所存宣暢黎庶諸根興耗又知一切報應行果普入聲聞別隨時義皆亦復下衆緣覺行悉以方便修諸菩薩分別咸從世俗之法一切悉順入諸佛法曉了慧宜是爲菩薩十分別慧菩薩住此遠遠無上正真之道菩薩三昧有十事何謂十事定意之時皆知十方世界所有能以意定寂衆生身定諸法三昧其三昧定見十方佛則能建立一切諸

念隨時定意其三昧有則能動轉無央數身亦復能使從三昧起普入諸佛如來正覺三昧正受開悟衆生其慧普大曉了隨時諸菩薩三昧一發意頃入一心慧以無爲心閑靜之慧悉能普修諸菩薩慧不廢篤信以願大慧曉了三昧是爲菩薩十事三昧

菩薩何所有有十事何謂爲十衆生何所有國土亦然觀所衆生亦解本無劫燒之時天地爲敗或水災變天地敗已復還合成計佛正覺亦無所有若干種行亦無處所如來身者功勳無量一切諸法所說本末其義各異若能供養諸佛正覺所歸亦無是爲菩薩十

選二

七

事何所有於是頌曰

衆生何所有 國土無處所 以察諸相好

劫燒天地壞 還合亦如是 佛身若干品

如來不可量 宣法若干品

菩薩脫門有十事何謂爲十其身普遍一切世界現於十方若干品形無數色像以諸法

界入一佛土建立一切衆生之衆以佛莊嚴形周十方若干佛土自然覺知至一切界一發心頃遍諸佛土皆現諸佛在一刹土使諸佛界度入一身悉使諸佛感動神足而以娛樂顯入一心是爲菩薩十事脫門於是頌曰其身遍佛土 顯若干形像 諸法入一土

建立諸世界 遍世現佛身 自知靡不周諸法入一體 開心一切入

菩薩神通有十事何謂爲十識於過去所經歷處曉了方便出入進退天耳識別無所罣礙悉聞言辭衆所歸趣能知他人衆生之類心所念行無央數事種種別異則以天眼無爲之業觀察一切所經周旋以大神足感動變化速無思議衆生之類從其本性而示現之使得入律見於無限諸佛世界遍示諸身發心之頃能周無量十方佛土亦能莊嚴建立無數境界處所亦復顯示具足身形不懷自大曉了通慧於無底國還得無上正真之

道為最正覺心無思議因其衆生志性本末而示現教是為菩薩十事神通義也菩薩住此獲致如來無上正真神通歸趣方便隨向諸佛所變現於十方衆生訓誨輒成其行衆義備悉

菩薩通達有十事何謂為十則能隨時教化衆生分別罪福羣生之類所經歷事若干不同使其出家令心寂然入諸蔽礙一一衆生所行顛倒若干不同而使消除達如金剛聖慧具足所可建立其音周遍不可思議教諸佛土曉了方便一切倚著習四等心悉普遊入解所生處亦復識了無所從生皆已除去

諸想痛痒境界處所又其菩薩不觀諸法亦非不觀諸法無想以為一淨亦無有淨明若干種曉知精勤於無數劫班宣經道而以等歸趣於無上正真之道常住法界又其菩薩曉了衆生本悉滅度不用家業亦無所造知有生者為隨顛倒達其因緣報應之義識可

奉敬以何緣便所行本末起滅處所分別開化羣萌之類開明閉塞脫門之理解其顛倒無謬之事亦知塵欲瞋諍之原亦別生死無為之業復了反逆無逆之事知可依怙不可怙者亦明究暢別所至處知其退轉還復處者知其至快及所歸趣亦識壞敗當還成者

亦了開化知衆生根所當開化使得入律若干方便教授黎庶而不迷惑失菩薩行所以者何佛子欲知菩薩所以發無上正真道心者何以欲開化衆生之故既化衆生令從律教身不勞倦是為菩薩為一切故所由無諍曉了分別十二緣起又其菩薩未曾倚佛亦

不發心依怙佛也亦不著法復不與心貪於法也不著佛土亦不生心依佛土也亦不著人復不起心慕樂衆生也不見人民亦不發心觀於羣黎興顯衆行具足所願修無極哀不想見佛識念如來所班宣法得如來座植衆德本亦不惰怠心好正覺不以勞懈亦以

退二

乃

法則供養如來心日加精感動立威不可思議諸佛世界建立思惟第一法界剖判若干經法之教知於衆生有爲之會亦識衆生限節多少了苦本末所可從起亦知盡滅一切萬物皆爲苦本若有菩薩以能見此其所修行亦如影響棄捐衆惡斷其根本即自發心救濟衆生其所行者悉無所行曰菩薩行學諸佛言其心堅固如須彌山覺除一切衆想顛倒建立普智諸通慧門速成正覺入於無極無限慧堂所言慧堂無上正真開度衆生三處漂流及盡其原是爲菩薩十所通達菩薩住此速成如來無上大慧

菩薩解脫有十事何謂爲十度諸塵勞愛欲之原脫於邪見不正之路而濟五陰覆蓋之患又救形體四大諸入越於聲聞緣覺之乘因此速得無所從生法忍發起一切衆生國土諸所宜法便得超出諸菩薩行不可稱限稱譽一切諸菩薩行以無妄想入如來地以

一聖慧普知三世平等神通靡不救濟是爲菩薩十事解脫菩薩住此開化衆生使之無上於時頌曰
以度欲塵勞 邪見諸五陰 四大諸種入
貪身之患難 越聲聞緣覺 速無從生忍
稱譽衆生土 菩薩無量行 開士之所修

入如來之地 超出衆妄想 神達解三界
菩薩苑囿有十事何謂爲十樂於生死未曾惡獸好化衆生性無所著處於一切衆想之地啓受大行常喜嚴淨諸佛世界住已處所志在諸魔姝女宮殿悉能降化宮臺閣故敬所說法如所聞法思惟知義觀察歸趣六通無極四恩攝行三十七品道慧之法爲菩薩園是已嚴父所可遊居如來十力四無所畏十八不共取要言之一切佛法爲菩薩園未曾復思他奇異法一切菩薩所現變化建立娛樂爲菩薩園轉於法輪無自大律而謹慎行無所遺失一切發心不離正覺普現羣衆

退二

十

為菩薩困然其法身皆遍十方諸佛世界菩薩所行猶如虛空是為菩薩十苑圃也

菩薩宮殿有十事何謂為十樂菩薩宮心不迷惑十善章句功德慧業好積累是乃為菩薩宮開化欲界眾生之類修四梵行慈悲喜護菩薩由此訓誨色界羣黎之品往生淨居

諸天宮殿菩薩由此消滅一切塵勞諸穢到無欲色天至其宮殿訓誨大難不閉羣黎令其退還或時生於雜穢境界菩薩以是樂受其處拔濟一切貪欲眾生菩薩有樂現於後宮嫫女男女宿世曾與福行同故由是教化四方四域諸帝梵釋四天王等菩薩由此勸

化凶危計有常人使捨亂意處於一切諸菩薩業念化長故自恣馳騁調戲神通菩薩常皆一心脫門三昧正受以慧開化而娛樂之

也菩薩有十遊觀何謂為十意自好喜觀諸章句所履跡行志意觀察善權方便其所往處而輒得在諸佛足下聞法啓受意樂十方心普周遍敬諸菩薩神足變化現無限門化於眾生身意所惑而奉定意一三昧門則得普入諸定意門處諸總持一切所聞便能受持未曾忽忘以此總要為眾生演使令歡然樂於辯才以一章句無軟數劫咨嗟美辭談言說事無能斷辭志最正覺而為眾生示現若干身形無量品門慕轉法輪化諸異學令諾受法是為菩薩十遊觀也

菩薩有十嚴淨何謂為十其力鮮明故能獨步無畏清淨無能過者其義皎然所演辭意無央數劫談言之事無能妨廢其法清淨能演八萬四千法藏經言清和不忘一義所願微妙一切菩薩不捨所誓其行鮮潔班宣哲賢諸正雅訓莊嚴刹土以一音聲普告十方如一刹土已場清淨遍諸佛土興以道雲兩

法甘露建立正教蠲除一切有爲妄想馳逸之行無慢清淨以一體入現衆生身教訓一切精勤不倦夙夜務求諸通教慧示無數諸力無畏像是爲菩薩十清淨也菩薩住此普得一切諸佛嚴淨

菩薩有十事心不動何謂爲十一切所有施無所愛其所施者悉以清淨而心不動思惟明察諸佛深法恭敬諸佛承事自歸專精無量慈念衆生未曾瞋恨不捨一切蚊行喘息人物之類求諸佛法未曾懈廢一切衆生不可稱計行菩薩業無數劫不近不遠爲菩薩行未曾退轉無塞無闕又其菩薩本生信心有所修行無量清淨其清淨者離垢鮮明慇懃修行恭敬諸佛棄所貪身無所慕樂而爲儔匹逮大踊躍無極之歡篤信爲道歸一切智應其章句究竟成就諸菩薩教修行訓誨其所聞信無所誇毀煩惋戀業其心不動是爲十事菩薩心不動而能住此即便速知

諸通敏慧

菩薩有十事心無所捨何謂爲十速成諸佛最正覺道故曰不捨教化衆生使從法律無所遺棄隨諸佛教不廢訓誨從諸善友依附自歸而不違遠普諸佛國稽首跪拜如來至真不捨禮節常求一切功勳之法不捨大乘

退二

十二

敢值佛世淨修梵行奉護禁戒終不毀犯隨諸菩薩勤修道業不以懈廢慕求如來訓誨之義隨時執持諗受不忘習諸菩薩本所行願皆念思惟通諸佛教是爲十菩薩心無所捨菩薩觀慧有十事何謂爲十觀一切法分別章句隨時演說觀察於三世衆德之本而爲說法視諸菩薩所行本際而開化之瞻諸法門達其根原亦觀諸佛所建立業觀衆摠持以慧法門而用歸之亦以明智普察世間視諸法界順慧而入瞻知十方慧無思議觀諸佛慧處了世界聖明無量是爲菩薩觀於十慧

菩薩講法有十事何謂為十宣說諸法皆從緣起名一切義悉令歸趣以積志行演諸所有亦如幻化又宣諸法皆亦本空論議諸經中間曠絕而無涯底諸所有業悉無所著又說諸法強如金剛一切諸義如來所暢又說眾業寂寞悒怕又演諸法悉無所生講一切法等一本淨說無合成是為菩薩講法十事菩薩清淨有十事何謂為十其性本淨而無沾汗除去狐疑猶豫之結令其鮮明棄諸沉吟六十二見所行威儀而修禮節好樂普智諸通敏慧所分別辯巍巍清淨勇猛皦然四無所畏修菩薩行一切遊居悉無瑕疵勸諸菩薩願願修習行無穢濁百功勳相三十有二大士之業求於無上正真之道歸清白法嚴淨一切眾德之本淨是為菩薩十清淨也菩薩住此得成諸佛無上清淨菩薩印有十事菩薩大士由是所印具菩薩慧疾成無上正真之道為最正覺何謂為十

遊二

十三

菩薩悉知萬物皆苦苦復苦惱復惱愛別離苦怨會之苦雖遭此難勤求佛法心不動搖亦不違捨菩薩之行不恐不畏亦不懷懷不捨本願不廢大智一切敏達心不違佛道業之要愚癡凡夫自己塵勞恩愛之戀修不善本罵詈菩薩毀辱輕易演鹿獐辭瓦石打擲加以刀杖菩薩遭此故求佛法未曾厭廢菩薩之行常行忍辱多懷仁和隨經典教亦勤忍辱具足正行又其菩薩班宣諸佛深妙之法處一切智使人以慧悉具所生化令眾人歡喜愛法又其菩薩觀其體慧致仁和性與普智心吾當成佛無上正真之道為最正覺歡悅眾生馳騁周旋五趣之難憂惱恚使發道心歡喜悅豫加大篤信欣然如是堅固精進又其菩薩入於如來無邊際慧不越境界如來聖明不可稱限聞諸佛出尊班宣經道亦無涯底不限佛智於諸文字不生增減分別諸義不犯佛教又其菩薩愛樂無上正

真之道好喜深義至於微妙無極之慧以興若干崇於無上懇懇戀恨未曾違遠一切魔眾及與官屬其諸異學諸外隣敵無敢當前未曾廢捨一切智心菩薩所行饒益如是終不迴還又其菩薩行道之時無所恐畏不惜身命發通慧心修一切智以為元首皆得諸

佛光明照耀不捨道義不遠善友又其菩薩見族姓子若族姓女志學大乘使勤修行慕諸佛法勸立德本受一切智未曾休廢又其菩薩其所遊居等心眾生亦復平正智慧為諸羣萌班宣經典普至無上正真之道趣不退轉興大慈悲又其菩薩計諸過去當來現

在佛思惟為一以諸德本奉答諸佛未曾絕觀諸敏慧是為菩薩十印以是印故疾成正覺印無上法

菩薩慧光有十事何謂為十菩薩大士必當逮成無上正真之道以佛道照於一切常見諸佛平等正覺了知眾生終沒所生明識一

切經典法品發菩薩心常習善友分別所積眾德之本解知所印常見諸佛曉了開化眾生之類立如來地宣無思議法門道堂識解諸佛隨時建立普能備具諸受無極是為菩薩十慧光明

菩薩有十事行無量一切眾生聲聞緣覺何謂為十於是菩薩修本際行不備諸願終不取證又其菩薩植眾德本發心勸助一切法界不著諸法又其菩薩行道之時察諸所行猶如幻化諸法寂然而不迷惑諸佛亦然又其菩薩去諸眾生意妄想之著於無數劫修菩薩行具足大願不起疲懈又其菩薩奉行諸法悉無所著諸法自然悉亦寂靜亦不滅度要當備悉一切智教又其菩薩知諸妄想及無想願宜無數劫所從本末真諦之行又其菩薩解一切法悉無所有雖解空無不廢道行求諸佛法又其菩薩發意之頃普入三界亦悉普解三世之義其心所達中間迥絕塵

二

十五

所不通又其菩薩用一人故在生死難無央數劫行菩薩法而建立志於一切智如爲一人忍諸勞倦爲諸衆生亦復俱然終立之大道不懈廢以爲勞厭當來之苦又其菩薩備菩薩行不肯速取無上正真之道爲一切故周旋塵勞開化饒益無數衆生使立佛道是爲菩薩十無量行菩薩住此疾成正覺

菩薩有十事心不怯弱發其道心何謂爲十菩薩自念一切諸魔及衆魔天當見降伏心不怯弱當以正法諸外異道爲我降伏身當歡悅諸衆生界心不弱劣具足一切諸度無極備悉法界爲衆生故積累合集具功德品其無上正真道者爲大精進雖爲難辦亦爲大業境菩薩行不以怯弱開化一切衆生境界順使隨律爲尊勸誨十方世界形貌各異其被服者無央數種菩薩入中從其所樂在於其中成最正覺又其菩薩心自發念吾所曾學修菩薩行皆從已出若來求索手脚耳

鼻肌肉皮髓妻子男女象馬車乘國邑城郭眷屬僕使悉能施與不逆人意以見衆人來有所求索發心之頃忽其所樂不起患厭其身欲安一切衆生而懷愍哀既有所施無所希望大哀爲首歸無極慈不以爲怯又其菩薩遵修其行諸在三界諸佛法者衆生佛土羣萌諸世虛空境界諸法音聲悉爲寂然歸趣滅度諸法漸漸一念之頃了平等應分別解之成最正覺悉取譬喻勸喻神通修行造證無念不念不令別異無若干行而節度之使無財業無造因緣不爲分異亦無不分爲無數法所作不過以無二慧曉了諸二以無想慧解諸有想以無念慧識知諸念無若干慧曉了若干以無限智曉諸少明以度世智明曉世俗一切所行以世聖光開化方俗闇冥諸塞無過去智悉能分別諸過去世歸無人地明識一切衆生境界出諸倚著遊行所作合集衆行明識一切諸究竟慧解諸究暢

解諸不暢以純淑慧開解塵勞而分別知無盡本際開化諸盡曉了法界為第一智其身體現十方世界入於無數音聲言教從其無限而宣訓誨一自然慧入無自然一聖明行伸叙所修現若干行一切諸法悉不可得解此義者以致無極示現變化示現變化成最

正覺至於大慧顯大神足則以普智感動興行化諸羣黎是無怯弱是為菩薩十無怯弱菩薩有十事心如大山何謂為十於是菩薩常修精進專志思惟諸通敏慧又其菩薩觀一切法本淨如空而解諸法悉從顛倒無央數劫修菩薩行興發其心豐盛一切清白之

法解知如來無量慧義以能奉行諸清白法菩薩興發諸佛經道平等清和順善親友所因發心不懷疑結尊敬經典不當念異法于餘業唯當恭恪謙下卑順一切所有施無所恪漸近道法菩薩愍哀一切衆生忍諸憂患衆苦之惱假使遭遇危身之患失命之難罵

言毀辱刀杖加刑皆能忍之不懷感悵之心不亂不起瞋恨懷無極慈愍念羣黎被大德鎧而不退還不廢道意益加殷勤興無極哀其哀益廣所以者何佛子當知菩薩所行一切諸法皆因由生具足護行如來正真曉了諸法忍辱仁和以為豪位菩薩大士修大功

退二

十七

德威神巍巍若在天上諸天中尊若在世間人中位高面像端正勢力第一眷屬強盛所欲自由若為帝主無極貴姓功勳無限智慧廣遠不好愛欲不以財賄眷屬自在用為安隱唯愛道法喜法樂法慕法求法以法為室因法得護自歸於法因法得度常求法義以法為樂思惟經典以是比像而得安居不隨魔教所以者何若有菩薩發意之頃蠲除衆生吾我魔界使住佛境又其菩薩精進如是無央數劫修菩薩行自知如此吾於今日建學無上正真之道不恐不畏亦不懷懷修菩薩行有斯行已吾今當成最正覺道然於來

世無央數劫修菩薩行自知見之又覩異學
 難化難療無反復心不識報恩欲教此眾故
 被德鎧遊在眾主而得自在見地惡眾不以
 為獸不增惡人塵欲之故而退還也又其菩
 薩不信仰人發大道意吾以是行合集菩薩
 身獨當辦不須他人於當來劫奉開士法以
 已志行具諸佛法興心存生無上大道以唯
 願樂開化眾主樂化眾主信菩薩行自淨志
 性亦能復淨他人性行解深境界亦復分別
 他人土地去來今佛合一境土又其菩薩不
 見諸法亦復不覩諸菩薩行不觀備悉諸開
 士義亦復不見教眾主義亦復不察奉諸佛
 法亦復不見當速無上正真道法已成今成
 方當成者亦復不見班宣經道不得說者亦
 無講者菩薩大士不從大道而退還耶所以
 者何佛子當知是生菩薩因求諸法成最正
 覺行一切法不隨倒見益加精勤遵習德本
 所行清淨具足智慧一發心頃功勳名德日

新增益不恐不畏亦不懷懼因疾成無上正
 真之道是為十事心如太山
 菩薩有十事慧如江海入無上道何謂為十
 入於眾主無量境界又其佛子菩薩普遊十
 方諸佛境界以大宮殿入於聖室習無思想
 又其菩薩修治無量一切空界遊於虛空而
 無罣礙十方寂然如水如網以普平等又其
 菩薩善入法界而遊無為所入無斷不計有
 常所入無際無造無滅曉了所入靡不周至
 又其積眾德本自歸過去當來現在諸佛世
 尊菩薩法師聲聞緣覺諸凡夫士亦於其所
 而造德本復觀眾人以是德本去來今佛成
 正覺時已成今成方當成者去來今佛班宣
 經道已說今說方當說者被眾主類諸啓受
 法以成至道意欲向道方得道者教化眾主
 此諸德本合斯眾善勸助一切不求望報於
 今現世不發疲厭又其菩薩一一發意入過
 去世遊無數劫於一一劫見百億佛若干無

起二

十八

數不可計會不可思議百千億劫其所徹觀不可譬喻入與佛世超過諸喻亦觀諸佛衆會道場爲諸菩薩聲聞說法開化衆生壽命短長所建立者而無所住如於一劫所開度人一切諸劫不可稱限若於一劫世無佛時菩薩知之於其劫中應當修立大道德本無

能爲勸開導教者然爲講說見去來佛純寂德本入無量劫觀察其義而無厭足入過去劫又其菩薩入於當來思惟觀察遊諸當來無量劫數於何劫中當有正覺何時無佛當於何劫佛出於世如來至真多少之數其号云何出何佛土其界名号開化度脫樂何衆

遊二

十九

生壽命長短豫觀無量不可計劫不以勞倦又其菩薩入於現在觀十方界班宣無際諸佛國土分別方面遐邇分數諸佛思惟察其本末得成無上正真之道詣佛樹下求取葛草布地坐樹降魔官屬起入城邑上於天上廣說經義而轉法輪教誨衆生現作佛事成

最正覺釋梵勸助捨其壽命至於無餘至泥洹界而取滅度流布經道將護教訓興隆法化莊嚴廟寺供養圖像修治塔廟念諸佛土一一發心入於十方無量佛國普察衆生皆見諸佛聽所說法受諷誦學抱在心懷選擇志行進退有益遍於十方悉歸諸佛不忘佛

法所以者何達見諸法悉如夢耳以是之故供養如來一切所安在在所生常在佛邊自見其身奉敬如來不貪己身不著如來不怙世界衆會道場亦不希望聽聞經典見在諸佛不以厭足遊其佛土見十方佛亦復如是無所希望又其菩薩無央數劫供養奉事諸佛世尊於一一劫奉事歸命無限如來從始現生皆由三世供養不廢聲聞菩薩眷屬群黨供養如來乃至滅度滅度已後奉敬舍利至於無極布施所有飽滿一切衆生境界捨心所與不可思議亦不想報不見受者而有所取愍哀之故故供給耳奉敬諸佛施諸群

黎不用懈倦如是比像歸命諸佛不可計劫
 開化衆生奉持法教班宣經道誘進羣黎使
 發無上正真道心復次佛子當知菩薩菩薩
 展轉相成誠禁訓誨而奉道行清淨之法開
 化隨律菩薩平等從其所生志慕菩薩諸惣
 持門常觀諸佛無極大聖求諸法師恭敬稽
 首諸受諷誦未嘗懈廢攝護衆生所學究竟
 爲諸羣黎班宣經道化無限衆發於無上正
 真之道立不退轉淨諸佛法心念普智諸通
 慧義修諸佛法於無數劫衆行備悉是爲菩
 薩十事如海成最正覺

度世品經卷第二

遊二

園囿表有二字無牆懷其也反恧悒悒反恧悒反恧悒反
 憂也下於急調戲音掉音腕腕音純淑音倫反財
 反亦憂也同打擲音反純淑音倫反財音倫反
 賄罪反呼反抱在反持也

度世品經卷第三

西晉三藏法師竺法護初譯

普智菩薩復問普賢菩薩所作如夜顯
 明何謂其心猶若金剛志大乘鎧何謂大乘
 何謂能暢於大勤修何謂信不可壞何謂受
 決何謂勸德本何謂入聖何謂發其心內廣
 大無量何謂菩薩藏何謂將護何謂自在何
 謂感動何謂衆變何謂嚴淨國土何謂經法
 隨時何謂身變何謂願變何謂化變何謂慧
 變化何謂神通變動何謂神足變動何謂諸
 力變動何謂娛樂何謂境界何謂十力何謂
 無畏何謂諸佛不共法者何謂爲業何謂菩
 薩身

普賢答曰善哉善哉快問此事開化一切爲
 將來施今所問者如日宮殿照於天下如夜
 月出普耀衆冥如入大海採諸明珠如醫合
 藥如飢求食如渴欲飲諸來會者諦聽諦聽
 咸言受教